


Moncha, 4j.



suechet es nöiis Daheime mit Garte/Freigang

Liebi Tierfründe

Ig hoff, ig schtör grad nid, abr ig ha es Probläm. Ig bi d'Moncha u dringänd uf dr Suechi nach eme nöiie Daheime. Warum? Ig bi urschprünglech us Schpanie u ha hier eigentlech es toues Daheime. Eigentlech, we da nid die Erschtchatz wär, mit dere geit's gar nid. Sy hei scho aues probiert, scho soooo lang, abr mir zwöi, mir chönne eifach nid mitenang. Ig tät liebr aus Einzelprinzessin im Mittelpunkt schtah. Drum!

Wie gseit, ig heisse Moncha. Mi Name chunnt usm Irische u bedütet «allei». Das seit aues! Ig bi 4jährig, kaschtriert, gimpft, chippet, teschtet, gsung u schtuberein. Sähr lieb u mönschebezoge (bi mini Mönsche) u schpiue für mis Läbe gärn. Ig ha e Tunneu zum Verschtäcke u zum Lauere, we Du mit dr Angu chunnsch. Denn fang ig aues, was mir i d'Pfote chunnt. Bi Frömdi bin ig no sähr uusichr, ig bruuche es Wiili zum Aachoh u mi «Inschtalliere». Abr mit Geduud u Chatzeerfahrig u Schpiue chasch Du mi scho us dr Reserve locke. U ig bruuche wiedr min Freigang durch's Chatzetörli düre. Ig chenne's ländlech, Fäuder u Wiese, das isch mini Wäut. E Garte wär tou u villiicht ou e Wiese i dr Nächi odr am Waudrand. Ig schtröine nid, abr es bitzeli Natur um mi umme, das hätt ig scho gärn. Was ig dagäge definitiv nid bruuche, das sy Hung u Chatz u chliini Ching. Z'viu Konkurrenz! Grossi Ching so ab 10i/12i wäre abr tou, zum Schpiue. E Familie, das wär's!

Ig wünsche mir es Daheime bi liebi, chatzeerfahreni, geduudigi Lüüt, di wo mi i mim Tempo lah aachoh u mi aus Alleiprinzessin wönnt verwöhne. Wohnsch Du verchehrsberuhigt odr sogar ländlech? Siit Dir e nätti Familie, wo fascht immr öpper Ziit het zum Schpiue? Odr arbeitesch Du vo dihei us odr teilwiis im Homeoffice? Bisch auso nid de ganz Tag furt? Das wär's! Denn müeset mir üs unbedingt lehre chenne. Derziit wohn ig no z'Erlinsbach/AG, ig zügler abr gärn zu Dir, wo au immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli.

Dini Moncha



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch